



SLUŽBENE NOVINE

KANTONA SARAJEVO

Godina XXX - Broj 33

Četvrtak, 21. 8. 2025. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 37. u vezi sa članom 23., 31. i 39. Zakona o plaćama i naknadama u organima vlasti Kantona Sarajevo ("Službene novine Kantona Sarajevo", broj 5/19, 40/22 i 6/25), Vlada Kantona Sarajevo, na 119. vanrednoj sjednici održanoj 07.08.2025. godine, donijela je

UREDBU

O IZMJENI UREDBE O NAKNADAMA KOJE NEMAJU KARAKTER PLAĆE

Član 1.

(Izmjena člana 5.)

U Uredbi o naknadama koje nemaju karakter plaće ("Službene novine Kantona Sarajevo", broj 17/19, 52/23 i 22/24), član 5. mijenja se i glasi:

"Član 5.

(Primjena Uredbe)

Naknade i druga materijalna prava utvrđena ovom uredbom, odnose se i na izabrane dužnosnike, nosioce izvršnih funkcija, pravobranioca i zamjenika pravobranioca, kao i na imenovana lica."

Član 2.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-41915-29/25

07. augusta 2025. godine

Sarajevo

Premijer

Nihad Uk, s. r.

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 15. i 29. Zakona o plaćama i naknadama u organima vlasti Kantona Sarajevo ("Službene novine Kantona Sarajevo", broj 5/19, 40/22 i 6/25),

Vlada Kantona Sarajevo, na 119. vanrednoj sjednici održanoj 07.08.2025. godine, donijela je

UREDBU

O IZMJENI I DOPUNI UREDBE O NAKNADAMA TROŠKOVA ZA SLUŽBENA PUTOVANJA

Član 1.

(Izmjena člana 1.)

U Uredbi o naknadama troškova za službena putovanja ("Službene novine Kantona Sarajevo", broj 21/19), član 1. mijenja se i glasi:

"Član 1.

(Predmet regulisanja)

Ovom uredbom utvrđuju se vrste i visine naknada za službena putovanja, kao i postupak ostvarivanja tih naknada, za izabrane dužnosnike, nosioce izvršnih funkcija u organima zakonodavne i izvršne vlasti Kantona Sarajevo (u daljem tekstu: Kanton), imenovanih lica, pravobranioca i zamjenika pravobranioca Kantona i državnih službenika i namještenika u organima državne službe Kantona (u daljem tekstu: organ državne službe)."

Član 2.

(Dopuna člana 16.)

- U članu 16. iza stava (5) dodaje se novi stav (6) koji glasi:
"(6) Nalog za službeno putovanje savjetniku premijera Kantona izdaje šef Kabineta premijera Kantona na osnovu odluke o odobrenju službenog putovanja koju donosi premijer Kantona."
- Dosadašnji stav (6), (7), (8), (9) i (10) postaju stav (7), (8), (9), (10) i (11).

Član 3.

(Stupanje na snagu)

Ova uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-04-41915-30/25

07. augusta 2025. godine

Sarajevo

Premijer

Nihad Uk, s. r.